

СѢ́АГѠ ВЕЛНКОМѢННИКА ꙗ ЦѢ́ЛНТЕ́ЛА
ПА́НТЕЛЕ́ИМОНА.

Редакція и составление Г.Смирнова
Храм св. вмч. Георгия Победоносца в г. Долгопрѣдномъ

✠ ВѢ́

СОДЕРЖАНИЕ

На Господи воззвах, глас 4. Подобен «Званный свыше». Напева Оптиной Пустыни. Излож. Г.Смирнова.....	3
На Великой Вечерни и на Утрени (Текст).....	7
На Хвалитех, глас 8. Подобен «О, преславного чудесе!». Напева Оптиной Пустыни. Излож. Г.Смирнова.....	17
На Хвалитех и на Литургии (Текст).....	20

Святого великомученика и целителя Пантелеимона
На Господи возвах, стихиры на 6, глас 4.

3

Подобен: Званный свыше:

Напева Оптиной Пустыни
Излож. Г.Смирнова

1. Из глубины возвах к Тебе, Господи, / Господи, услыши глас мой.

2. Да будут уши Твои / внимлюще гласу моления моего.

Т.І
Т.ІІ

Бар.
Б.

И-же по достоянию зван был Пан - те - ле - и - мон,

ег - да человеколюбное всем простерл еси душ по-пе - че - ни-е,

и те - лес ис - це - ле - ни - е по - ка - зу - я:

тог - да тезоименным званием обо - га - тил - ся е - си,

доб-ро-де-те-ли воз-да-я - ни - е, и бла-го-чес - ти-я

воз-мез-ди-е му-че-ни-че об-рет, вен-це-но-сец и не-по-бе-
дим во-ин явль-ся Хри-ста Бо-га на-ше-го:
Е-гоже моли спасти и просветити ду-ши на-ша.

3. Аще беззакония назриши, Господи, Господи, кто постоит; / яко у Тебе очищение есть.

4. Имене ради Твоего потерпех Тя, Господи, потерпе душа моя в слово Твое, /
упова душа моя на Господа.

И-же от не-ве-щест-вен-ных ис-точ-ник Спа-си-те-ля,
бо-жест-венных исцелений присно благодать по-чер-па-я,
и бо-гат-но из-ли-ва-я, и подавая приступающим к тебе,

все - бла - жен - не, всех сла - во - е тво - е и все - свя -

щен - но - е, и све - то - нос - но - е торжество верно совер-


ша - ю - щих, бла - годатию Божественно - ю сих

о - за - ри, бо - го - по - доб - ным помазан именовани - ем, я - ве и

бла - гос - ти - ю: ей - же молим всем дароватися, по - ю - щим тя.

5. От стражи утренняя до ночи, от стражи утренняя, / да уповает Израиль на Господа.

Му - ка - ми мно - ги - ми ис - ку - си - ся тво - я ны - не ог - не - паль - на - я лю - бовь,



НА ВЕЛИЦЕЙ ВЕЧЕРНИ

Блажен муж, 1-й антифон

НА ГОСПОДИ ВОЗЗВАХ СТИХИРЫ НА 6, ГЛАС 4.

Подобен: Званный свыше:

1. Стих: Из глубины воззвах к Тебе, Господи,/ Господи,
услыши глас мой.

2. Стих: Да будут уши Твои/ внимлюще гласу моления
моего.

Иже по достоянию зван быв Пантеле́ймон,/ егда челове-
колюбное всем простерл еси душ попече́ние,/ и телес ис-
целение показу́я:/ тогда тезоименным званием обогати́лся
еси́,/ добродéтели воздая́ние,/ и благочестия возмездие
мучениче обрёт,/ венценосец и непобедим воин явлься
Христа Бога на́шего:// Егоже моли спасти и просветити
души на́ша. **Дважды.**

3. Стих: Аще беззакония назриши, Господи, Господи, кто
постоит;/ яко у Тебе очищение есть.

4. Стих: Имене ради Твоего потерпех Тя, Господи, потер-
пе душа моя в слово Твое,/ упова душа моя на Господа.

Иже от невещественных источник Спаси́теля,/ божест-
венных исцелений присно благодать почерпа́я,/ и богáтно
излива́я,/ и подавая приступающим к тебе, всеблаже́нне,/
всех славное твое и всесвяще́нное,/ и светонóсное торже-
ство верно соверша́ющих,/ благодатию Божественною сiх
озари́,/ богоподобным помазан именовани́ем, яве и
бла́гостию:// ейже моли всем дароватися, пою́щим тя.

5. Стих: От стражи утренния до нощи, от стражи утрен-
ния,/ да уповает Израиль на Господа.

Муками мно́гими/искусися твоя ныне огнепа́ная любóвь,/
ко éже сущему желáнию,/ морем и огнем зави́стно бо-

рѣм./ Тѣмже злоначальнаго испровѣрг,/ живонѡсное действо Утешителя яве прият богатоуательное./ Еюже и жива преславно умершаго богомудре показал еси, // и различная исцеления соделал еси, преблаженне.

Ины стихиры, глас 2. Самогласны: [Анатолиево]:

6. Стих: Яко у Господа милость и многое у Него избавление:/ и Той избавит Израиля от всех беззаконий его.

Безмѣдно благодать даеши человеком,/ Пантелеимоне мучениче славне:/ и дѹхи отгониши призыванием Христовым,/ и слепым видети даруеши,/ яко Того угодник ѡскренний:/ но моли, врачу всеблаженне,/ даровати миру мѣр твѣрд, // и тя любящим велию мѣлость.

7. Стих: Хвалите господа вси языцы,/ похвалите его вси людие.

Матере благочестивыя возжелал еси вѣру,/ отчее исправил еси нечѣстие,/ Ермолая бо утверждься учѣнии,/ сим и крещение совершил еси,/ Пантелеимоне мучениче славне:/ Милостиваго Бога, недугующих врачу/ и страстей отгонителю,/ моли избавитися от напастей, // верою творящим пречестную пѣмь твою.

8. Стих: Яко утвердися милость Его на нас,/ и истина Господня пребывает во век.

Отрѣнул еси прелесть отца, всеславне,/ и словеса матерня смѣсленно приѣмь,/ пѣче злата плод принѣсл еси,/ по Господню гласу, и врач изряден явился еси,/ Пантелеимоне мучениче славне:/ шествуя же благодати путѣм,/ обрѣл еси лежаща низу младенца, ехидною угрызѣна,/ и к Бѡгу молитву сотворив и прилежно помолѣвися,/ абие отрока воскресил еси/ и зверя растерзал еси./ Темже поминай нас верою творящих твою пѣмь, // яко да обрящем милость в День Сѹдный.

«Слава» – глас 6. Византиево:

Возсия днесь честная память безсрѣбренника,/ верныя со-
зываютъ на трапезу тайную,/ и к торжеству празднствен-
ному водятъ празднлюбныхъ составлѣния:/ наста бо ныне
намъ чудодѣйственный врачъ,/ недуги всемъ исцѣляй,/ **П**антелеимонъ твердый страдалецъ,/ и молится прилежно
Господеву, // спастися душамъ нашимъ.

«И ныне» – Богородичен:

Кто Тебе не ублажитъ, Пресвятая Дево;/ Кто ли не воспоетъ
Твоего пречистаго Рождества;/ безлетно бо от Отца воз-
сиявый Сынъ Единородный/ Тойже от Тебе, Чистая,
прѣиде,/ неизреченно воплощся,/ естествомъ Божъ сый,/ и
естествомъ бывъ Человѣкъ насъ ради,/ не во двою лицу разде-
ляемый,/ но во двою естеству неслитно познаваемый./ То-
го моли, Чистая Всеблаженная, // помилватися душамъ
нашимъ.

Вход. Прокимен дне и чтения три.

НА ЛИТИИ

Стихира храма.

Таже, стихиры великомученика, глас 1. Византиево:

Подвигомъ добрымъ подвижался еси/ и течение скончал еси
мучѣния твоего,/ мучениче Пантелеимоне,/ темже в Выш-
нихъ со ангелы ликуеши,/ достойно болезней твоихъ приемъ
Вышнее Царство,/ моли убо, врачу всеблаженне, // даро-
вати намъ велию милость.

Глас 2:

Киими песенными добротами/ тебе Пантелеимоне поч-
тимъ?/ Телесною красотою и душевною добротой/ светло
просияющая,/ умнымъ рачениемъ просвѣщенна/ и разума
хитростию украшенна,/ юна въ возрастомъ, ведца же
смысломъ,/ возрастающаго Божественными учѣнии // и стя-
жавшаго Христа усердною любовью.

Киими песньми тебе, Пантелеимоне, возвеличим?/ Егоже паче естества/ словесы и дѣлы прослави Господь/ и множеством возвыси чудес,/ егоже зарею многих даров просвети/ и славою венцев Божественных украси,/ егоже в бедах предстателя требующим/ дарова Христос Бог наш,// имеяй велию милость.

Киими похвальными пѣсньми/ тебе, Пантелетмоне, возвеличим?/ Христоподобною благостынею озаренна/ и подающа всем просиявшим велию милость,/ Божественным тезоименитством украшенна/ и дѣлы Всемиловитаго показанна,/ яко приснотекущая река воды живыя,// исцеления проливающа притекающим к тебе с верою.

Глас 5, самогласен:

Всесветлая мученика пѣмѣя/ сияет, яко солнце, концѣм/ и непрестанно подавает верным исцеления,/ недуги отгоняющи и страсти исцеляющи,/ молится бо присно Пантелеимон Христу Богу// даровати душам нашим велию милость.

«Слава» – глас тойже. Византиево:

Приидите, мучениколюбцы,/ единомудренно вси восхвалим страстотерпца Христова,/ по благочестии добре подвигшася/ и почестию победною одеявшася,/ светильника вселенныя/ и присносияющую звезду Церкви./ темже и к нему, вопиюще рцем:/ Пантелеимоне, мучениче славне,/ буди нам душам же и телом спасение/ и покров недвижим,/ моляся ко Господу о нас непрестанно,// во еже спасти нас.

«И ныне» – Богородичен:

Блажим Тя, Богородице Дѣво,/ и славим Тя, вернии, по долгу,/ град непоколебимый, стену необоримую,/ твердую предстательницу// и прибежище душ наших.

НА СТИХОВНЕ СТИХИРЫ, ГЛАС 1-Й:

Добляго страдальца Пантелеймона,/ по благочестии подвижавшася,/ приидите, людие, воспоим глаголюще:/ радуйся, твердый веры поборниче/ по пророцех и апостолах,/ радуйся, Христа в себе имевый,/ подобаясь дела Павлу,/ радуйся, плавающим небурное пристанище,// радуйся, наше похвало и церкви верных радование.

Стих: Праведник яко финикс процветет,/ и яко кедр, иже в Ливане умножится.

От младенчества добрую стезю обрет,/ милостию Христовою помазав сердце,/ болезни целиши просящим усердно,/ отнюдуже и умершего воздвигл еси молитвами твоими,/ и восприял еси небесное царствие,// Пантелеимоне всеблаженне.

Стих: Насаждени в дому Господни,/ во дворех Бога нашего процветут.

Страстотерпца Христова похвалим,/ мудрого Пантелеймона,/ иже змия уби силою крестною,/ и молитвами Ермолаевыми отрока воскреси,/ и несвященные посрами мудрости словеса,/ иже и молится непрестанно,// всем по дати согрешений прощение.

Ины стихиры, поемыя в Русской обители святого великомученика Пантелеимона на Афоне, глас 5:

Радуйся, Пантелеимоне мудре,/ матернее возлюбивый благочестие,/ отца же нечестие возненавидевый/ и ко благочестию богомудрыми сего наставивый увещании,/ священнейшим Ермолаем научен вере совершеннейше,/ угрызенна же ехидною/ и умерщвлена отрока молитвою твоею воздвигнувший,/ змия видимого растерзав и невидимаго,/ Христа моли, чудодейственниче,// даровати нам велию милость.

Стих: Праведник яко финикс процветет,/ и яко кедр, иже в Ливане умножится.

Радуйся, Пантелеимоне твёрде,/ доблемудрственне представый сужающему,/ и пред сим велегласно Христа исповедавый,/ и Бога Истинного, треблаженне,/ никакоже устрашася страшных орудий мучения,/ но претерпев мужественне биения,/ опаления же и строгания,/ кипящее олово и всесокрушительное коло,/ борение со зверьми и водою,/ божественныя же главы усечение,/ дерзновение убо имея ко Господу,/ Тому, великомучениче, молись// даровати нам велию милость.

Стих: Насаждени в дому Господни,/ во дворех Бога нашего процветут.

Радуйся, Пантелеимоне благосерде,/ с Небесе по достоянию приемый/ от Всемилостиваго Спаса именование всемилостиваго,/ еже уверяеши дела войстну,/ всех милуя, к тебе притекающих,/ врачу скорый недугующих,/ исцелений реко приснотекущая,/ источниче чудес неисчерпаемый,/ мучеников похвало, безсребренников славо,/ Христу молись, целбниче,// даровати велию милость.

«Слава» – **глас 8. Византиево:**

Матернее возлюбив благочестие,/ отчим же безбожием возгнушався,/ Врачу душ воин быв,/ врачбне себе наказал еси:/ и божественную благодатию во обоих благоискусен,/ страстей всегубитель,/ и душ врач показался еси:/ но якоже в страданиях твёрдое,/ и в молитвах приснопробывательное стяжав,/ Пантелеимоне мучениче Христов,// прилежно моли спастися душам нашим.

«И ныне» – **Богородичен:**

Безневестная Дево,/ яже Бога неизреченно зачещи плотию,/ Мати Бога Вышняго,/ Твоих рабов мольбы прими, Всенепорочная,/ всем подаючи очищение прегрешений:/ ныне наша моления приемлющи,// моли спастися всем нам.

Тропарь. глас 3-й:

Страстотерпче святыи и целебниче Пантелеимоне,/ моли Милостиваго Бóга,/ да прегрешений оставлѣние// подаст душáм нáшим. Дважды.

И Богородице Дево: Единожды.

НА БОГ ГОСПОДЬ

Тропарь. глас 3-й.

Страстотерпче святыи и целебниче Пантелеимоне,/ моли Милостиваго Бóга,/ да прегрешений оставлѣние// подаст душáм нáшим. Дважды.

«Слава и ныне» – Богородичен:

Тя, ходатайствовавшую спасение рода нáшего,/ воспеваем, Богородице Дéво,/ плотию бо от Тебе восприятоу Сын Твой и Бóг наш,/ крестом восприим страсть,// избави нас от тли, я́ко Человеколю́бец.

Величание:

Величаем тя,/ страстотерпче святыи, великомучениче и целебниче Пантелеимоне,/ и чтим честная страдания твоя,/ яже за Христа// претепел еси.

Псалом избранный:

Бог нам прибежище и сила,/ помощник в скорбех, обрѣтших ны зело. Сего ради не убоймся, внемлетъ землѣ, и предлагаются горы в сердца морскія. Возшумѣша и смятошася воды их, смятошася горы крепостию Его. Речная устремлѣния веселят град Божий: оставил есть селѣние свое Вышний. Бог посреде его, и не подвижится: поможет ему Бог утро заутра. Смятошася языцы, уклонѣшася царствія: даде глас свой Вышний, подвижется земля. Господь сил с нами, заступник наш Бог Иаковль. Приидите и видите дела Божія, яже положи чудеса на земли: Отъемя брани до конец земли, лук сокрушит и сломит оружіе, и щиты сожжѣт огнем. Упразднитеся и уразу-

мѣйте, яко Азъ есмь Бог: вознесу́ся во язы́цах, вознесу́ся на землі́. **Госпо́дь сил с нами, заступник наш Бог Иа́ковль.**

Степенна, 1-й антифон 4-го гласа.

Прокимен, глас 4: Праведник, яко финикс процветет, и яко кедр, иже в Ливане, умножится. **Стих:** Насаждени в дому Господни, во дворех Бога нашего процветут. **Всякое дыхание: Евангелие от Луки, зачало 106.**

Слава: Молитвами святого великомученика и целителя Пантелеімона/ милостивее очисти...

И ныне: Молитвами Богородицы...

По 50-м псалме стихира, глас 2:

Милостиваго Христа, Пантелеімоне,/ моли ныне, врачу Бо́жий,/ избавити мя страстѣй// и помиловати мя.

Стихира самогласна, глас 3:

Возсия́ днесь славная па́мь тво́я,/ Пантелеимоне много-страда́льне,/ созыва́ющи нас, празднолю́бцев,/ на хвалу и славу Христу Богу на́шему,/ в тебѣ источник чудес нам я́вльшему,/ тем, притекающе к раце мощей твоих,/ исцелений дарования приемлем,/ венчавшаго тебе Спаса Христа воспевающе во веки,// непрестанно славяще.

Канон Богородицы со ирмосом на 6 и святого два канона на 8. Канон первый, глас 2, егоже краеграние: Пантелеімона, изряднаго мученика, пою. Творение Феофаново.

Песнь 1. Ирмос:

Во глубинѣ постла́ иногда/ фараони́стское всевоинство преоруженная си́ла,/ воплощенное же Слово всезлбный грех потреби́ло е́сть,/ препросла́вленный Госпо́дь,// славно бо просла́вися.

Ин канон, поемый в Русской обители святого великомученика Пантелеімона на Афоне. Глас 4.

Катавасия: Отвѣрзу уста моя́,/ и напо́лнятся Ду́ха,/ и слово отрыгну Царице Ма́тери,/ и явлюся светло торжеству́я,// и воспою раду́ясь Той чудеса́.

Песнь 3. Ирмос:

Процвела́ есть пустыня, яко крин, Го́споди,/ язы́ческая
неплодящая церковь пришёствием Твои́м,// в нейже ут-
вердися мое се́рдце.

Катавасия: Твоя песнословцы Богоро́дице,/ живой и не-
зави́стный исто́чнице,/ лик себе совокупльшия, духовно
утверди́,/ в божественней Твоей сла́ве// венцев сла́вы спо-
доби.

Песнь 4. Ирмос:

Пришел еси от Девы, не ходатай, ни ангел,/ но Сам, Гос-
поди, воплощься,/ и спасл еси всего мя человека./ Тем зо-
ву Ти:// слава силе Твоей, Господи.

Катавасия: Седя́й в сла́ве,/ на престоле Божества,/ во об-
лаце лёгце,/ при́иде Иису́с Пребоже́ственный,/ нетленною
дла́нию,/ и спасе зову́щия:// слава, Христé, силе Твоей.

Песнь 5. Ирмос:

Просвещение во тьме лежащих,/ спасение отчаянных,
Христе Спасе мой,/ к Тебе утренюю, Царю мира,/ просве-
ти мя сиянием Твоим,// иного бо разве Тебе бога не знаю.

Катавасия: Ужасошася вся́ческая/ о божественней сла́ве
Твоёй:/ Ты бо Неискусобрачная Де́во,/ имела еси во ут-
робе над всеми Бо́га,/ и родила еси Безлетного Сы́на,/
всём воспева́ющим Тя// ми́р подава́ющая.

Песнь 6. Ирмос:

В бездне греховней валяясь,/ неизследную милосердия
Твоего призываю бездну:// от тли, Боже, мя возведи.

Катавасия: Божественное сие и всечестно́е/ соверша́юще
пра́зднество/ богомудрии Богома́тере,/ приидите руками
восплещим,// от Нея рождшагося Бо́га славим.

Кондак, глас 5-й:

Подража́тель сый Ми́лостиваго,/ и исцелений благодать от Него́ прие́м,/ страсоте́рпче и мучениче Христа Бо́га,/ моли́твами Твоими душевные наша неду́ги исцели́,/ отгоняя присно борца соблазны от вопиющих ве́рно:// спаси́ ны, Го́споди.

Песнь 7. Ирмос:

Телу златому премудрыя дети не послужиша,/ и в пламень сами поидоша,/ и боги их обругаша,/ среди пламене возопиша и ороси я Ангел:// услышася уже уст ваших молитва.

Катавасия: Не послужиша твари богомудрии/ па́че Созда́вшего,/ но огненное прещение мужески попра́вше,/ радовахуся пою́ще:// препетый отцев Господь и Бо́г благослове́н еси.

Песнь 8. Ирмос:

В пещь огненну ко отроком еврейским/ снизшедшаго и пламень в росу преложшаго/ Бога пойте, дела, яко Господа, // и превозносите во вся веки.

Катавасия: Отроки благочестивыя в пещи́,/ Рождество Богородичо спасло́ есть,/ тогда убо образу́емое,/ ныне же де́йствуемое,/ вселенную всю воздвизает пе́ти Тебе́:// Го́спода пойте дела́, // и превозносите Его́ во вся веки.

Песнь 9. Ирмос:

Безначальна Родителя Сын, Бог и Господь,/ воплощься от Девы, нам явися,/ омраченная просветити, собрати расточенная. // Тем Всепетую Богородицу величаем.

Катавасия: Вся́к земноро́дный/ да взыграется Духом просвеща́емь,/ да торжествует же безплотных умо́в естество́,/ почитающее священное торжество́ Богома́тере,/ и да вопи́ет:/ ра́дуйся Всеблаже́нная// Богородице, Чи́стая Присноде́во.

На Хвалитех, глас 8.

Подобен "О преславнаго чудесе"

Напева Оптиной Пустыни

Излож. Г.Смирнова

1. Хвалите Бога на силах Его,

Т.І
Т.ІІ

хва-ли - те Е-го по мно-жес-тву ве-ли - чест-ви - я Е-го.

Бар.
Б.

1

Де-ло по-мы-шле-ни-я Выш - ня-го, е-же на тебе бывшее, светло

по-ка-за - ся, те-лесныя бо страсти це-ли-ти яв - ствен-но,

Пан-те-ле-и-мо-не, на-у-ча - емь, душ об-рел-ся е-си врач из -

ря - ден, сло - вом бла - го - да - ти у - вра - чу - я вся

и мрач - ны - я лести избавляя к тебе при-те-ка - ю-щи-я.

2. Хвалите Его во гласе трубнем,

хва-ли - те Е-го во псал-ти-ри и гус - лех. Ми-лос-ти Бо-жи -

я по-до - бя-ся, Пан-телеимон яве име - но - ва - ся,

су-губо прием имя и подоб-но-е ве - щи. Я-ко со-стра-да-те-лен

бо, ми-лу-е-ши всех, су-гу - бо по-да-ва-я сим ис-це-ле - ни - е,

пи-та - я и це-ля, и кра-зу-му, слав - не, на-став-ля - я

Бо - жественному и пресветлому Христову, пре-бо - га - те.

3. Хвалите Его в тимпане и лице,

хва-ли - те Е-го во стру-нах и ор-га - не. Доб-ро-то-ю, бо-го -

муд - ре, те-лесною душевною доб-ро - ту бла-го-душ-но

пре-ме-нил е-си и умное благолепие плотскою кра-со - то - ю,

и зря - щи-я, му-че-ни-че, у - ди-вил е - си, зна - мень - ми си -

я - я и чу-де-сы, цве-том ю - нос-ти, со-ста-рев-ших-ся

ра - зум при-ем, ве - ро - ю же и благодатию про-све-ща - емь.

НА ХВАЛИТЕХ СТИХИРЫ НА 4, ГЛАС 8

Подобен: О преславного чудесе:

1. Стих: Хвалите Его на силах Его,/ хвалите Его по множеству величества Его.

Дélo помышления Вы́шняго,/ ёже на тебе бывшее, светло показáся,/ телесныя бо страсти целíti я́вственно,/ Пантелеймоне, научáемь,/ душ обрелся еси врач изрýден,/ словом благодáти уврачу́я вся// и мрачныя лести избавляя к тебе притека́ющия.

2. Стих: Хвалите Его во гласе трубнем,/ хвалите Его во псалтири и гуслех.

Милости Божия подобяся,/ Пантелеимон яве именовася,/ сугубо прием имя и подобное вещи./ Яко сострадателен бо, милуеши всех,/ сугубо подавая сим исцеление,/ питаю и целю, и к разуму, славно,// наставляя Божественному и пресветлому Христову, пребогате.

3. Стих: Хвалите Его в тимпане и лице,/ хвалите Его во струнах и органе.

Добротою, богомудре,/ телесною душевною доброту/ благодушно пременил еси/ и умное благолепие плотскою красотою,/ и зрящия, мучениче, удивил еси,/ знаменьями сияя и чудесы,/ цветом юности,/ состаревшихся разум прием,// верую же и благодатию просвещаемь.

Глас 5, самогласен, Германово:

4. Стих: Хвалите Его в кимвалех dobroгласных, хвалите Его в кимвалех восклицаня./ Всякое дыхание да хвалит Господа.

Всесвётлая мученика память сияет,/ яко со́лнце, концём,/ и непреста́нно подавает верным исцелéния,/ недúги отгоняющи и страсти исцеля́ющи,/ молится бо присно Пантелеймон Христу́// даровати душам нашим вéлию мýдлость.

«Слава» – глас 4, Византиево:

Днесь просия страстоносца пáмьять,/ приидите, вѣрнии,/ духóвно возвесели́мся,/ и песньми сего венча́ем,/ ибо невидимаго врага силою крѣстною/ мýжески побѣдил ёсть,/ и, мучителей безмерных мук не убо́явся,/ законно почестъ прият Вышняго звáния,/ и ны́не со ангелы вечно почивáет./ Но, о мучениче Христов Пантеле́имоне,/ врачу недугующих и пристанище обурева́емых,/ не престáй моляся Милостивому Бóгу// спастися душáм нашим.

«И ныне» – Богородичен, глас тойже:

Богородицу песньми немóлчными/ благочестно поем, вопи́юще:/ рáдуйся, Горо святáя,/ радуйся, Престоле огненосный всѣх Царя,// радуйся, Похвало Ангелов и святых Сла́во.

Тропарь. глас 3-й.

Стратотерпче святы́й и целебниче Пантеле́имоне,/ моли Милостиваго Бóга,/ да прегрешений оставлѣ́ние// подаст душáм на́шим. **Дважды.**

«Слава, и ныне» – Богородичен:

Тя, ходатайствовавшую спасение рода на́шего,/ воспевáем, Богородице Дѣво,/ плотию бо от Тебе восприя́тоу Сын Твой и Бóг наш,/ крестом воспри́йм стра́сть,// избави нас от тли, я́ко Человеколю́бец.

НА ЛИТУРГИИ

Блаженны от канона святого, песни 3-я и 6-я.

Прокимен, глас 4: Дивен Бог во святых Своих,/ Бог Израилев. **Стих:** В церквах благословите Бога, Господа от источник Израилевых.

Аллилуия, глас 2: Праведник, яко финикс процветет, и яко кедр, иже в Ливане, умножится.

Стих: Насаждени в дому Господни, во дворех Бога нашего процветут.

Тропарь, глас 3:

Страстотерпче святы́й и целебниче Пантелеи́моне,/ моли́ Милостиваго Бо́га,/ да прегрешений оставле́ние// подаст душáм нашим.

«Слава» – Кондак, глас 5-й:

Подража́тель сый Ми́лостиваго,/ и исцелений благодать от Него́ прие́м,/ страстоте́рпче и мучениче Христа Бо́га,/ моли́твами Твоими душевныя наша недúги исцели́,/ отгоняя присно борца соблазны от вопиющих ве́рно:// спаси́ ны, Го́споди.

Причастен: В память вечную:

Молитва

О, великий Христов угодниче и преславный целебниче, великомучениче Пантелеимоне! Душею на небеси Престолу Божию предстояй и Триипостасныя славы Его наслаждаяйся, телом же и ликом святым на земли в Божественных храмах почиваяй и данною Тебе благодатию различная источаяй чудеса, призри милостивным оком на предстоящая люди и честней твоей иконе умильно молящиеся и просящие от тебе целебныя помощи и заступления. Простри ко Господу Богу нашему теплая своя молитвы и испроси душам нашим оставление согрешений. Се бо мы за беззакония наша не смеюще возвести очес наших к высоте Небесней, ниже вознести глас молебный к Его в Божестве непреступней славе, сердцем сокрушенным и духом смиренным тебе, ходатаю милостива ко Владыце и молитвенника за ны, грешныя, призываем, яко ты приял еси благодать от Него недуги отгоняти и страсти исцеляти. Тебе убо просим: не презри нас, недостойных, молящихся тебе и твоея помощи требующих. Буди нам в печалех утешитель, в недужех лютых страждущим врач, напаствуемым скорый покровитель, очесем недугующим прозрения датель, ссущим и младенцем в скорбех готовейший предстатель и исцелитель. Исходатайтвуй всем вся, яже ко спасению полезная, яко да твоими ко Господу Богу молитвами получивши благодать и милость, прославим всех благих Источника и Дароподателя, Бога Единого в Троице Святей славимаго, Отца и Сына и Святаго Духа, ныне и присно и во веки веков. **Аминь.**